

## ՀԱՇՎԵՏՎՈՒԹՅՈՒՆ

«Տավուշի մարզպետ Վահե Ղալումյանի՝ ս/թ սեպտեմբերի 27-29-ը Ուկրաինայի Հանրապետության Չերկասկի մարզ գործուղման արդյունքների մասին

Վահե Ղալումյան – «Տավուշի մարզպետ

2018թ սեպտեմբերի 27-29-ը Ուկրաինայի Հանրապետության Չերկասկի մարզ:

“Իմ քայլը հանուն Տավուշի” մարզային գործարար համաժողովի շրջանակներում՝ Ուկրաինայի Հանրապետության Չերկասկի մարզում գործունեություն իրականացնող “Ջոլոտոնոշսկի բեկոն” ՍՊԸ հիմնադիր գործարար Անդրանիկ Ղազարյանի հրավերով:

Այցը նպատակ էր հետապնդում, տեղում ծանոթանալ գյուղատնտեսության բնագավառում, Ուկրաինայում ավելի քան 10 տարի գործունեություն իրականացնող “Ջոլոտոնոշսկի բեկոն” ՍՊԸ աշխատանքներին, ուսումնասիրել նրանց փորձը, ինչպես նաև քննարկել «Տավուշի մարզում նախատեսվող ներդրումային ծրագրերը: Կազմակերպությունը հիմնականում զարգացած է խոզաբուծության և կերի արտադրության բնագավառներում՝ արտադրական հզորությունը կազմում է 4000 գլուխ խոզ, ինչպես նաև կերի արտադրության համար մշակվում է՝ շուրջ 20.0 հազ հա հողատարածք:

Հանդիպումների ընթացքում քննարկվեցին գյուղատնտեսության՝ մասնավորապես խոզաբուծության և կերային մշակաբույսերի արտադրության բնագավառներում «Տավուշի մարզում նախատեսվող ներդրումային ծրագրերը:

Հանդիպումների ընթացքում քննարկվեցին «Տավուշի մարզում նախատեսվող ներդրումային ծրագրերը: Նախատեսվում է մարզում կառուցել ժամանակակից արդյունաբերական խոզաբուծական համալիր՝ 630 խոզամայրի համար: Ծրագրի իրականացման ընթացքում պայմանագրեր են կնքվելու շուրջ 40 ֆերմերային տնտեսությունների հետ, որոնք զբաղվելու են խոճկորների աճեցմամբ /ֆերմերային տնտեսությունները կապահովվեն համապատասխան կերային բազայով/, իսկ արտադրված միսը կհանձնվի համալիրին:

Այցի ընթացքում Տավուշի մարզպետ Վ. Ղալումյանի և “Ջոլոտոնոշսկի բեկոն” ՍՊԸ-ի միջև, կնքվել է համագործակցության հուշագիր՝ 5 /հինգ/ տարի ժամկետով, վերոնշյալ ծրագրերի իրականացման նպատակով:

Ծրագրի իրականացման բոլոր նախագծա-նախահաշվային փաստաթղթերը պատրաստ են, այժմ աշխատանքներ և ուսումնասիրություններ են կատարվում «Օրենսդրության շրջանակներում համապատասխան հողատարածքներ ձեռք բերելու ուղղությամբ:

Նշված ծրագրով մարզում հիմք է դրվում ինտենսիվ խոզաբուծության զարգացման ուղղությամբ, շուրջ 40 ֆերմերային տնտեսություններ կապահովվեն մշտական աշխատանքով /հետագայում ֆերմերային տնտեսությունները կավելանան/, կավելանա խոզերի գլխաքանակը /որակյալ նոր ցեղատեսակների/, կտրուկ կաճեն մշակվող գյուղատնտեսական հողատարածքների քանակը, ինչպես նաև տեղական և միջազգային շուկա կարտահանվի որակյալ, էկոլոգիապես մաքուր մսամթերք:

«Տավուշի մարզպետ



Վահե Ղալումյան

03.10.2018թ